

Laporan Kajian Pasaran Sektor Makanan MyCC

# Punca 5 bekalan makanan mahal

Kartel kawal pasaran, kaut untung antara 60 hingga 75 peratus

Oleh Mohd Azis Ngah dan Amin Ridzuan Ishak  
 bhnews@bh.com.my

**Kuala Lumpur:** Penguasaan pasaran ikan oleh kartel, kegiatan menyewa permit import (AP) kubis, jualan lot niaga borong sehingga Rm1.3 juta, kebergantungan kepada negara sumber yang terhad serta kekurangan produk tempatan, menjadi punca kenaikan harga lima bekalan makanan utama rakyat negara ini.

Semua faktor itu dikenal pasti dalam Kajian Pasaran Sektor Makanan yang dijalankan Suruhanjaya Persaingan Malaysia (MyCC) menyumbang kepada peningkatan harga ikan kembung, daging, susu rumusan bayi, kubis bulat serta sawi hijau.

## Pasaran keseluruhan dan isu khusus berkaitan setiap sub sektor makanan

Cabaran penting	Kepentingan utama	Perlu diberikan perhatian
<p><b>Daging</b></p> <p>1: Peningkatan harga daging yang ketara                      2: Kebergantungan terlalu tinggi dengan import dan sumber bekalan terhad                      3: Jumlah pengeksport yang terhad                      4: Kesukaran menceburi bidang dan dominasi pengimport</p>	<p><b>Rumusan bayi</b></p> <p>1: Kesukaran memasuki pasaran dan dominasi syarikat multinasional                      2: Aktiviti promosi yang mengelirukan                      3: Kebergantungan terlalu tinggi kepada bekalan import                      4: Kesan promosi mengelirukan</p>	<p><b>Pasar Borong Kuala Lumpur</b></p> <p>1: Kesesakan di hab pengedaran barangan utama                      2: Kos operasi tambahan</p>
<p><b>Ikan kembung</b></p> <p>1: Kesan pengisytiharan sebagai 'Ikan Rakyat'                      2: Kehadiran orang tengah yang ramai                      3: Bekalan terhad mempengaruhi harga dan terdedah kepada peniaga mengambil kesempatan</p>	<p><b>Kubis bulat dan sawi hijau</b></p> <p>1: Salah guna permit kelulusan (AP)                      2: Potensi perkongsian maklumat pasaran</p>	<p><b>Peruncitan moden</b></p> <p>1: Kuasa penawaran yang tinggi dan amalan perniagaan tidak adil</p>

Grafik BH



Kartel yang menguasai pusat pengumpulan utama ikan serta sayur-sayuran di Pasar Borong Kuala Lumpur (PBKL), didapati mengawal dan menentukan harga pasaran dengan mengaut untung antara 60 hingga 75 peratus daripada harga ikan yang diraih dari jeti pendaratan.

Kos tambahan pengurusan yang dikenakan ke atas pemborong di PBKL, termasuk sewa tapak, perkhidmatan sejuk beku, upah angkut, kos guna pakai tong plastik didapati membebbankan peniaga.

Kajian MyCC mendapati, keadaan menjadi lebih teruk apabila pekerja asing 'dibenarkan' menjual ikan pada harga lebih tinggi.

Ketika ini, PBKL dikuasai lebih 90 peratus pekerja asing dan ada antara mereka yang cukup berani berniaga tanpa permit di tepi jalan, bersebelahan pasar.

Kajian MyCC juga mendapati, wujudnya salah laku dalam kalangan penerima AP untuk mengimport kubis bulat, apabila ada di antara mereka hanya mengambil keuntungan 'atas angin' dengan menyewakan permit itu kepada peniaga lain.

Tindakan itu menyebabkan pernyewa AP terpaksa menaikkan harga menyebabkan pengguna terpaksa membelanjakan sehingga RM4.95 untuk membeli satu kilogram kubis.

tempat yang mampu mengimpor bagi produk import.

Menerusi laporan kajian setebal 336 muka surat dijalankan selama sembilan bulan, MyCC turut mencadangkan supaya pihak berkaitan termasuk Kementerian, agensi kerajaan supaya memantau gerak kerja pemilik AP serta meningkatkan produk daging tempatan untuk meningkatkan persaingan harga.

Bagi isu kenaikan harga ikan, MyCC menyarankan supaya pengguna beralih menggunakan produk ikan beku segar Q-Fish dan meningkatkan aktiviti akuakultur seperti penternakan ikan sangkar.

Laporan Kajian Pasaran Sektor Makanan itu dilancarkan oleh Menteri Perdagangan Dalam Negeri dan Hal Ehwal Pengguna, Datuk Seri Saifuddin Nasution Ismail, semalam.

Mengulas lanjut, Saifuddin berkata, pihaknya akan meneliti semula perkara yang dibangkitkan serta cadangan untuk memperbaiki kelemahan sedia ada.

"Kami akan serahkan maklumat kepada pihak berkaitan dan bentangkan laporan kepada je-maah menteri. Semua maklumat ini penting untuk memastikan kestabilan harga dan rakyat boleh berbelanja pada harga patut," katanya.



Saifuddin Nasution melancarkan Buku Laporan Suruhanjaya Persaingan Malaysia (MyCC) di Pusat Timbang Tara Antarabangsa Asia (AIAC), Kuala Lumpur, semalam. [Foto BERNAMA]